

1442
1442
網

山

集

二

28

山

2

三

總校官知縣臣懋珩

校對官中書臣宋枋遠

謄錄監生臣王宮

欽定四庫全書

網山集卷四

宋 林亦之 撰

誌銘

吉州通判余府君墓誌

余之受姓譜遠而閩高自建陽令以來伯仲散處或家

於杉洋或安固黃陂杉洋

古田縣

之系是為相家余後又

有所謂莆田黃石屯者在今古樓山下或曰若廬山繞

山作屋門隨村成生男即為儒而他無所雜用其心故
朝奉郎廬陵郡丞即其來裔也以淳熙六年夏四月甲
寅卒年五十有五祖諱某保義郎父諱某累封奉議郎
母宜人姚氏君讀書不草草持身慤厚與人交有情而
不忘左朝議大夫文安公於君為族父
文安孫開國男諱祖奭君
年未冠一日見君所為文驟長失喜謂人曰吾家校書
郎自唐乾符時棄官不仕拂衣去且二百年而惠安公
以詞賦起家未幾吾繼之自此寥寥無人即有人其此

郎乎歲辛未君果第進士調長溪主簿有政迹闕升左
從政郎改左承奉郎知寧德縣遇覃霈轉左宣義郎縣
有陳姓為多貲忽有夜半鼓噪過門索其廬得死人斷
圃下走告之縣謂陳殺吾弟也君諱之汝弟奚在曰初
更漏且盡猶在俄而且出君曰夜深遇殺爾何為即知
之其人不能對遂論殺此囚而一縣凜凜不敢欺兩稅
所出為文書遞移郭落人不見吏官之困滿矣有廷訟
爾汝可不令其言必得其情莆為名邦聞人才大夫諸

老先生論議有定價皆謂季鸞寧德之政可以為作縣者法而君之聲名自此出矣磨勘轉左宣教郎充廣南東路經畧安撫司主管機宜文字遷左奉議郎通判吉州轉左承議郎賜五品服君在廬陵凡兩攝郡事獄情纖悉一寓目必得人情於人之肝胃所不能遁者故死囚而更活者數十人經總制累歲逋積為錢緡數十萬官無所須惟民須君慨然為白之不得旨再白之卒以君言為然蠲其半是為廬陵久長無窮之利君為政毅

而慈慈而不可犯撫民如家人視同寮如兄弟用公財
如其私江西一帶帥及部使者多鉅人交口薦譽之轉
朝奉郎已逮戍還里門適西淮總領以州綱運為緩例
降秩主管台州崇道觀命未下而君沒矣吁嗟乎君君
子也其心於是乎可哀也已君諱鳳所配為白社方氏
封孺人二子東卿南卿從我學一女許嫁孫曰珪志我
生異縣每以不識為恨及見君在寧德時以文勸民耕
所謂縣令世為農家故喜為父老道農事語樸而情至

余每誦此雖未識君面已識君心也卜以九年夏五月
丙申葬之嘉禾里雙牌之原東卿來速銘於乎君之階
郎階也可以遺其後而竟一有也字不及其後以是為君憾
君曰命也無憾也遂銘之其詞曰

君子之澤其施遠何哉一夕闕而斷芸香一脈本不短
翩翩有觀來者悅刻爾岡頭其勿歎

宜人姚氏墓誌

淳熙八年秋八月戊午奉議郎致仕余君夫人卒是日

也余偶肩輿過紅泉市見市之人爾汝雜雜感眉相吁
嗟余因停輶問之曰廬陵別駕之母死矣奚哉之母之
死而能使一市人悲耶夫人為姚姓故左文林郎知永
春縣諱安仁之女初來歸不得妯娌歡而夫人事之如
事所尊久之妯娌知其賢相好無間言為家儉朴有以
飢寒來告即然之無不可之語所出惟一子年尚幼聽
從師於空山闐然之廬積月裁一歸其子亦卒能力學
擢進士第所謂朝奉郎廬陵別駕是也族黨女嫁其父

母送之必屬之曰若以夫人為法則終而身為良婦為良母歲在庚寅以郊需封孺人自後建儲闈及慶壽封宜人實千載一日也別駕在廬陵時奉議年八十夫人七十有五嘗消日合管絃持觴酒為壽老孺歡合官寮歎慕四海耆舊如端明胡公者且以隸筆作仁者壽三大字題其堂既而別駕去而歸即沒矣沒之逾時奉議死再歲夫人亦亡焉吁嗟乎樂哀喜悲其迭見互出使人不得睹其倪如是矣乎以十年春正月十有六日壬

午合其匱於湖頭山之原速我銘從吾學承重孫東卿也女嫁朱簫次孫南卿曾孫珪志銘之曰

有丘莫莫天一方子隔莽眇孫來歲寫之終古幸勿傷

余府君埋銘

艾軒葬
麥堆

出莆之東門二十里是為紅泉余每過此即慘心况於我為愴甚焉者君之降也以甲午其沒也又後於麥堆凡八月以是我心為愴甚君余姓諱某字宗寔金紫光祿大夫之裔孫也嘗以荆南辟書為松滋縣簿尉意勁

而官下有志者竊悲之所配柯氏子三人鴈駢駢女嫁
柯羔以七年冬十月甲申合其柩寔之上林之原來請
銘鄉者驤也從我游其可辭余始識君於拜經年為壯
者及謁我留月蕭騷一翁矣隔一歲過雙闕聞君且死
于嗟乎君一見而壯再見而老三不及見而死于嗟乎
君迺銘之其詞曰

惟彼年同我所敬傷哉莫見耿何定穀城可託其炯炯

光澤尉朱府君墓誌

七年秋九月癸亥迪功郎光澤縣尉朱君卒於乎悲夫
紅泉耆舊自此無幾存者於乎悲夫余弱歲走紅泉從
父軒子林子學一時同舍生有父行兄行子若孫行秀
眉蒼髮蠟沓一堂君時貌已老執經怡怡無情容問其
年先於先生者數歲余以是知先生之道尊而君為可
敬矣君少警劬耽書不好狎蚤歲即與里選隆興更元
以覃恩補文學再歲調橫州軍事推官改初秩乃尉光
澤會有死囚縣檄召之夜泊一村虛有遽走前裹兼金

以為屬君笑而遣之或謂是宜以白不則為君累又笑謂之人畏死幸以賂免人之情事吾不曲賄吾不入吾勿慙足矣奚必為是沽激皦皦者乎哉又嘗獲強猾三數十輩該賞格君曰何須此頭顱耶棄不顧聞者歎異之君諱賡字師言或字少裴父諱汝舟嘗以卮酒別所識聞其宴甚乃推席上飲具一簋之君在黨巷以長者聞性嗜禮晨莫子姪來謁必整冠乃見之人有寸能說之不離口聞人惡未嘗輒以語人所配吳氏其子為伯

樞伯秬叔總季牟從我於小孤之下最後得子曰阿恩
女嫁宋確以八年冬十月甲子出殯且將撰日加窆焉
屬我以銘不可辭鄉也我來小孤君年七十二以足疾
不出每旬時或三二日猶且呼諸孫左憑右扶過我闥
未幾我還我還而君沒嗟哉夫君亡矣夫不再見矣夫
乃銘之其詞曰
弗以禦人而張其門銘也有是鬱鬱乎三尺之墳

陳氏母林氏埋銘

林之受姓派系濶遠其在吾縣又疏為七林子孫多祿
仕夫人者即其裔也年十八嫁同郡涪水君陳氏五十
一而廢其治產若教子不翅如男子所為者鄉也徹菽
適有當世大人工部侍郎來曲堆夫人之孫貞也謁諸
塗且涕泣求薤歌或謂先生每下筆累歲不即得爾何
其夫人年八十六來寄之母之卒也如是

艾軒母葬
來寄山故

此曲不待迫促而愴焉悲夫子二人處厚處仁女長適
朝請郎泉州別駕黃廷瑞次適秉義郎清遠縣尉林孔